

შპს „რეგიონული ჯანდაცვის ცენტრი“



სატენდერო დოკუმენტაცია

CPV კოდი - 45300000 - სამშენებლო-სამონტაჟო სამუშაოები

სახელმწიფო შესყიდვა

სავარაუდო ღირებულება - 50 000 ლარი

დაფინანსების წყარო - 2015 წლის საკუთარი შემოსავლები

გამარტივებული ელექტრონული ტენდერი

სახელმწიფო შესყიდვა გამარტივებული ელექტრონული ტენდერის საშუალებით განხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის ბრძანება N9-ის შესაბამისად.

ქ. თბილისი

სარჩევი:

1.	ინსტრუქცია ტენდერში მონაწილეთათვის.....	3
2.	ტექნიკური დავალება.....	3-5
3.	სახელმწიფო შესყიდვების შესახებ ხელშეკრულების პროექტი.....	5-7
4.	აფიდავიტის საილუსტრაციო ფორმა.....	8
5.	დანართი N1.....	9
6.	დანართი N2.....	9
7.	დანართი N3.....	10

1. ინსტრუქცია ტენდერში მონაწილეთათვის

1.1 სახელმწიფო შესყიდვის პროცედურები (მონაწილეობა) ხორციელდება სახელმწიფო შესყიდვების ერთიან ელექტრონულ სისტემაში (შემდგომში - სისტემა) www.procurement.gov.ge საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ის შესაბამისად.

1.2 გამარტივებული ელექტრონული ტენდერი ტარდება სახელმწიფო შესყიდვების ერთიანი ელექტრონული სისტემის (შემდგომში-სისტემა) მეშვეობით. სატენდერო განცხადებისა და სატენდერო დოკუმენტის გაცნობის ვადა შეადგენს არანაკლებ ერთ სამუშაო დღეს სატენდერო განცხადებისა და სატენდერო დოკუმენტაციის სისტემაში განთავსების მომენტიდან. ამ ვადის დასრულებიდან ორი სამუშაო დღის ვადაში პრეტენდენტს შეუძლია სისტემის საშუალებით წარადგინოს წინადადება ქართულ ენაზე და ელექტრონული ვაჭრობის გზით შეცვალოს წარმოდგენილი წინადადების ფასი კლებადობის პრინციპითა და ფასის კლების ბიჯის გათვალისწინებით. იმ შემთხვევაში, თუ გამოცხადებულ გამარტივებულ ელექტრონულ ტენდერში სატენდერო წინადადების მიღების დასრულების ვადა ემთხვევა შაბათ-კვირას ან უქმე დღეს, სატენდერო წინადადების მიღების ვადა დასრუდება მომდევნო სამუშაო დღეს.

1.3 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.4 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით.

1.5 ხელშეკრულების ფორმა და პირობები მოცემულია სატენდერო დოკუმენტაციაში ხელშეკრულების პროექტის სახით, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

1.6 მიმწოდებელი ვალდებულია ელექტრონული ვაჭრობის შედეგად შეთავაზებული სატენდერო წინადადების საბოლოო ფასი წარუდგინოს შემსყიდველს ახალი გადაანგარიშებით, კერძოდ: შესაბამისი ფასების ცხრილი.

2. ტექნიკური დავალება

(დანართი N1 და დამატებითი დოკუმენტაცია ერთიან ელექტრონულ სისტემაში ატვირთულია ცალკე ფაილებად და ითვლება სატენდერო დოკუმენტაციის განუყოფელ ნაწილად)

2.1 აღნიშნულ ობიექტზე სამუშაოების პროცესში პრეტენდენტის (შემდგომში მიმწოდებლის) მიერ გამოყენებული ყველა მასალა უნდა იყოს ახალი, ქარხნული წარმოების და მაღალის ხარისხის, რაზეც შემსყიდველს უფლება აქვს, სურვილისამებრ მოითხოვოს საერთაშორისო სტანდარტის დამადასტურებელი სერთიფიკატ(ებ)ი, ასევე სამუშაოების ნებისმიერ ეტაპზე შემსყიდველის მოთხოვნის შემთხვევაში სავალდებულოა წარმოდგენილ იქნას აღნიშნული სამუშაოებისთვის განკუთვნილი გამოსაყენებელი მასალების ნიმუშები მოთხოვნიდან 2 სამუშაო დღის ვადაში (მოთხოვნა შესაძლოა განხორციელდეს როგორც წერილობით ასევე სიტყვიერად), აღნიშნული ნიმუშები, როგორც ხარისხის, ასევე ვიზუალური თვალსაზრისით შეიძლება დაწუნებულ იქნას შემსყიდველის მიერ. იმ შემთხვევაში, თუ მიმწოდებლის მიერ წარმოდგენილი ნიმუშები ან/და შესრულებული სამუშაო არ იქნება მოწონებული შემსყიდველის მიერ, მიმწოდებელი ვალდებულია გამოსასწოროს, წარმოადგინოს სხვა, შემსყიდველისათვის მისაღები მასალა და სამუშაო.

2.2 შესრულებულ სამუშაოთა მიღება-ჩაბარების აქტის გაფორმებისათვის (ყოველ კონკრეტულ შემთხვევაზე) მიმწოდებელმა უნდა წარმოუდგინოს შემსყიდველს შესრულებული სამუშაოს შესახებ შედგენილი ფორმა N2, შესრულებული სამუშაოების მოცულობების და ხარისხის დადგენის მიზნით სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტირებული პირის მიერ გაცემული დასკვნა (ექსპერტიზის ხარჯებს ანაზღაურებს მიმწოდებელი) და ფარული სამუშაოების აქტი (ასეთის არსებობის შემთხვევაში) დადასტურებული შემსყიდველის წარმომადგენლის მიერ, რომლითაც

დადასტურებული იქნება შესრულებულ სამუშაოთა მოცულობა და ღირებულება.

2.3 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია დაასაბუთოს ფასწარმოქმნის ადეკვატურობა.

3. სამუშაოს მიწოდების პირობები, ვადები და ადგილი:

3.1 ტენდერში გამარჯვებულმა კომპანიამ სამუშაოები უნდა დაიწყოს ხელშეკრულების გაფორმების დღიდან და დაასრულოს არაუგვიანეს 30 (ოცდაათი) კალენდარული დღის განმავლობაში;

3.2 სამუშაოს შესრულების ადგილია: დაბა გუდაური, გადაუდებელი დახმარების სამედიცინო ცენტრის მიმდებარე ტერიტორია.

4. ანგარიშსწორების პირობები:

ა. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადისა და ხარჯის გათვალისწინებით,

ბ. ანგარიშსწორება მოხდება უნაღდო ფორმით, ეროვნულ ვალუტაში - ლარში.

გ. ანგარიშსწორება მიმწოდებელთან განხორციელდება მთლიანად შესრულებული სამუშაოების შემდეგ შესაბამისი მიღება-ჩაბარების აქტის გაფორმების და საქართველოს კანონმდებლობით დადგენილი შესაბამისი დოკუმენტების წარმოდგენიდან არაუგვიანეს 20 (ოცი) კალენდარული დღის განმავლობაში.

დ. წინასწარი ანგარიშსწორება (ავანსი) არ გამოიყენება

ე. დაფინანსების წყარო: შპს „რეგიონული ჯანდაცვის ცენტრის“ 2015 წლის საკუთარი სახსრები.

5. დამატებითი მოთხოვნები

ა. სატენდერო წინადადება, აგრეთვე, ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იყოს ქართულ ენაზე.

ბ. პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

გ. სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯის გათვალისწინებით, როგორიცაა: ტრანსპორტირების ხარჯები და საქართველოს კანონმდებლობით დადგენილი გადასახადები (მათ შორის - დღგ) და მოსაკრებლები.

დ. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარში.

6. პრეტენდენტის მიერ სისტემაში ასატვირთი დოკუმენტებია:

ა) სატენდერო დოკუმენტაციით გათვალისწინებული დანართი N1 (სატენდერო წინადადების ფასი და ხარჯთაღრიცხვა). აღნიშნულ დანართში პრეტენდენტის მიერ მითითებულ უნდა იქნას შესასრულებელი სამუშაოების საერთო და ერთეულის ღირებულებები ამავე დანართით გათვალისწინებული რაოდენობებისა და მოცულობების შესაბამისად) ამავე დანართით გათვალისწინებული პირობების შესაბამისად. **პრეტენდენტის მიერ ხარჯთაღრიცხვის წარმოდგენლობა ან/და წარმოდგენილი ხარჯთაღრიცხვის სატენდერო დოკუმენტაციის დანართი N1-თან არსებითი შეუსაბამობა გამოიწვევს მის დისკვალიფიკაციას.**

ბ) სატენდერო დოკუმენტაციით გათვალისწინებული დანართი N2 (სამუშაოების შესრულების ვადები).

აღნიშნულ დანართში პრეტენდენტის მიერ მითითებული უნდა იყოს შესასრულებელი სამუშაოების კონკრეტული ვადები, ამავე დანართით გათვალისწინებული პირობების შესაბამისად.

გ) სატენდერო დოკუმენტაციით გათვალისწინებული დანართი N3 (საგარანტიო ვადა და პირობები). აღნიშნულ დანართში პრეტენდენტის მიერ მითითებულ უნდა იქნას ინფორმაცია შესრულებული სამუშაოების გარანტიების ვადებისა და პირობების შესახებ, ამავე დანართით გათვალისწინებული პირობების შესაბამისად.

დ) სატენდერო წინადადების ხელის მომწერისთვის უფლებამოსილი პირი მიერ გაცემული მინდობილობა (საჭიროების შემთხვევაში);

დ) სატენდერო დოკუმენტაციით გათვალისწინებული დანართი N4 (რეკვიზიტები. აღნიშნულ დანართში პრეტენდენტის მიერ მითითებულ უნდა იქნას ინფორმაცია ორგანიზაციის რეკვიზიტების შესახებ) ამავე დანართით გათვალისწინებული პირობების შესაბამისად.

ე) ინფორმაცია ანალოგიური სამუშაო გამოცდილების შესახებ (დანართი N5) მიმწოდებელს უნდა გააჩნდეს 2014-2015 წლების განმავლობაში ანალოგიური სამშენებლო-სამონტაჟო სამუშაოების შესრულების

გამოცდილება მინიმუმ 100 000 ლარის ოდენობით.

ვ) ხელშეკრულებაზე ხელისმოწერის უფლებამოსილების დამადასტურებელი დოკუმენტი (მინდობილობა);

7. პრეტენდენტის სატენდერო წინადადება უნდა შეიცავდეს შემდეგ ინფორმაციას:

ა) პრეტენდენტის სრული დასახელება და რეკვიზიტები;

ბ) მიმწოდებლის ხელმძღვანელის ან უფლებამოსილი პირის სახელი და გვარი;

გ) საკონტაქტო პირის სახელი, გვარი, ტელეფონის ნომერი და ელ. ფოსტის მისამართი;

დ) მიმწოდებლის ხელმძღვანელის ან უფლებამოსილი პირის მიერ ხელმოწერილი და ბეჭდით (არსებობის შემთხვევაში) დამოწმებული ტექნიკური დავალების შესაბამისად შედგენილი სატენდერო წინადადების ფასი და ხარჯთაღრიცხვა (დანართი N1)

ე) პრეტენდენტის შესაბამისად უფლებამოსილი პირის მიერ ხელმოწერილი ინფორმაცია სატენდერო წინადადების მოქმედების ვადის შესახებ. პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

შენიშვნა: გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასების ცხრილი. ფასების ცხრილი წარმოადგენს ხელშეკრულების განუყოფელ ნაწილს.

დამატებითი ინფორმაციის მიღება შეგიძლიათ სისტემის - „კითხვა-პასუხი“-ს რეჟიმში, ან შპს „რეგიონული ჯანდაცვის ცენტრი“-ს ცენტრალურ ოფისში, მის: თბილისი, ივ. ჯავახიშვილის ქ. N51 წერილობითი მომართვით. საკონტაქტო პირი: ანი მიქიაშვილი, ტელ: 595030773.

სახელმწიფო შესყიდვების შესახებ ხელშეკრულების პროექტი, ხელშეკრულება N

ეს დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. ამ ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი 2015 წელი

ერთის მხრივ შპს „რეგიონული ჯანდაცვის ცენტრი“ (ს/კ 236035517)

ხელმძღვანელობაზე/წარმომადგენლობაზე უფლებამოსილი პირი – დირექტორი – ნუგზარ ბოლქვაძე (პ/ნ 01008008307) (შემდგომში „შემსყიდველი“) მისამართი: ქ.თბილისი ჯავახიშვილის ქუჩა #51 და მეორეს მხრივ, _____ (შემდგომში „მიმწოდებელი“) ხელმძღვანელობაზე/წარმომადგენლობაზე უფლებამოსილი _____, „სახელმწიფო შესყიდვების შესახებ“ საქართველოს კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის (SPA) ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.

1.3. „შემსყიდველი“ – ორგანიზაცია, რომელიც ახორციელებს საქონლის შესყიდვას.

1.4. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

2.1. ხელშეკრულების საგანს წარმოადგენს შპს „რეგიონული ჯანდაცვის ცენტრი“-ისათვის – CPV-45300000 „სამშენებლო-სამონტაჟი სამუშაოები“-ს მიწოდება, რაც უნდა განხორციელდეს ხელშეკრულების გაფორმებიდან 30 (ოცდაათი) კალენდარული დღის განმავლობაში, დაბა გუდაურში, გადაუდებელი დახმარების სამედიცინო ცენტრის მიმდებარე ტერიტორიაზე.

2.2. ხელშეკრულებით გათვალისწინებული შესყიდვის ობიექტის CPV-45300000 „სამშენებლო-სამონტაჟი სამუშაოები“-ს სრული ჩამონათვალი და აღწერა, ხ ა რ ჯ თ ა ღ რ ი ც ხ ვ ა მოცემულია დანართი N1-ში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს ---- (-----) ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული სამუშაოს შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

4.1. შესყიდვის ობიექტის ღირებულების ანაზღაურება განხორციელდება ფასების ცხრილში მითითებული ფასების შესაბამისად, უნაღდო ანგარიშსწორებით, საანგარიშსწორებო დოკუმენტაციის გაფორმების საფუძველზე, მიმწოდებლის მიერ მითითებული რეკვიზიტების მიხედვით.

4.2. ანგარიშსწორება მიმწოდებელთან განხორციელდება მთლიანად შესრულებული სამუშაოების შემდეგ შესაბამისი მიღება-ჩაბარების აქტის გაფორმების და საქართველოს კანონმდებლობით დადგენილი შესაბამისი დოკუმენტების წარმოდგენიდან არაუგვიანეს 20 (ოცი) კალენდარული დღის განმავლობაში.

4.3 წინასწარი ანგარიშსწორება არ გამოიყენება.

5. მიღება-ჩაბარების წესი

5.1. შესყიდვის ობიექტი ჩაითვლება მიღებულად მხოლოდ მხარეთა მიერ გაფორმებული შესაბამისი (მიღება-ჩაბარების აქტი) დოკუმენტაციის ხელმოწერის შემდეგ.

5.2 მთლიანად შესრულებული სამუშაოს ან სამუშაოს ეტაპის მიღება-ჩაბარებისთვის (შესრულებულ სამუშაოთა მიღება-ჩაბარების აქტის გაფორმებისათვის ყოველ კონკრეტულ შემთხვევაზე) მიმწოდებელმა შემსყიდველს უნდა წარუდგინოს ფორმა N2, სამუშაოთა საბოლოო მიღება-ჩაბარება განხორციელდება მათი დამთავრების შემდეგ ტექნიკური პირობების შესაბამისად, მოქმედი სამშენებლო ნორმებითა და წესებით განსაზღვრული აქტების საფუძველზე.

6. ხარისხი და გარანტია

6.1 წინამდებარე ხელშეკრულებით განსაზღვრული სამუშაოს საგარანტიო პერიოდი და პირობები განსაზღვრულია დანართი N3-ით. საგარანტიო ვადის ათვლა დაიწყება მხარეთა მიერ საბოლოო მიღება-ჩაბარების აქტის გაფორმების დღიდან.

6.2 მიმწოდებელი იძლევა გარანტიას, რომ მის მიერ სამუშაოები განხორციელდება მაღალხარისხოვნად, სამშენებლო ნორმების და სტანდარტების სრული დაცვითა და მის მიერ წარმოდგენილი ტექნიკური პირობებით განსაზღვრული პირობების შესაბამისად, სამუშაოების მიმდინარეობის პროცესში გამოყენებული ყველა მასალა იქნება ახალი, ქარხნული წარმოების და მაღალის ხარისხის, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს, როგორც სამუშაოების მიმდინარეობის პერიოდში ასევე საგარანტიო პერიოდში აღმოჩენილი ნებისმიერი ხარვეზის აღმოფხვრა, ასევე აღნიშნული სამუშაოების შესრულების პროცესში და საგარანტიო პერიოდში უხარისხოდ შესრულებული სამუშაოების შედეგად გამოვლენილი ნებისმიერი სხვა ზიანის აღმოფხვრა შემსყიდველის მხრიდან შეტყობინების მიღებიდან დანართი N3-ით განსაზღვრული პირობების შესაბამისად.

7. მხარეთა უფლება-მოვალეობანი

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და შესყიდვის ობიექტის ხარისხის ინსპექტირება.

ბ) სურვილისამებრ მოითხოვოს საერთაშორისო სტანდარტის დამადასტურებელი სერთიფიკატ(ებ)ი, ასევე სამუშაოების ნებისმიერ ეტაპზე შემსყიდველის მოთხოვნის შემთხვევაში სავალდებულოა წარმოდგენილ იქნას აღნიშნული სამუშაოებისთვის განკუთვნილი გამოსაყენებელი მასალების ნიმუშები მოთხოვნიდან 2 სამუშაო დღის ვადაში (მოთხოვნა შესაძლოა განხორციელდეს როგორც წერილობით, ასევე სიტყვიერად), აღნიშნული ნიმუშები, როგორც ხარისხის, ასევე ვიზუალური თვალსაზრისით, შეიძლება დაწუნებულ იქნას შემსყიდველის მიერ. იმ შემთხვევაში, თუ მიმწოდებლის მიერ წარმოდგენილი ნიმუშები და/ან შესრულებული სამუშაო არ იქნება მოწონებული შემსყიდველის მიერ, მიმწოდებელი ვალდებულია გამოასწოროს, წარმოადგინოს სხვა, შემსყიდველისათვის მისაღები მასალა და სამუშაო.

7.2. შემსყიდველი ვალდებულია:

ა) უზრუნველყოს მიმწოდებლის მიერ შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

ბ) შესრულებული სამუშაოს მიღება-ჩაბარებისას შემსყიდველი ვალდებულია დაუყოვნებლივ აცნობოს მიმწოდებელს შემოწმების შედეგები.

7.3. მიმწოდებელი უფლებამოსილია:

ა) მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით

გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) შემსყიდველს მიაწოდოს შესასრულებელი სამუშაო მოქმედი ნორმებისა და წესების დაცვით, სათანადო ხარისხის და სრული ტექნიკური უზრუნველყოფით იმ ვადაში, რომელიც მითითებულია ხელშეკრულებაში და მის დანართებში.

ბ) სამუშაოების შესრულების შედეგად გამოვლენილი ნაკლის აღმოფხვრას უზრუნველყოფს მიმწოდებელი საკუთარი ხარჯებით.

გ) დროულად და კეთილსინდისიერად შეასრულოს ნაკისრი ვალდებულებები;

დ) სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნას მიმწოდებლის მიერ საკუთარი შესაძლებლობებით და რესურსებით.

მიმწოდებელი პასუხისმგებელი უნდა იყოს აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების, აღჭურვილობის და მექანიზმების დაკარგვის ან გაუმართაობის შედეგად გამოწვეული რისკი ეკისრება მიმწოდებელს.

ე) მიმწოდებელმა სამუშაოების განხორციელების განმავლობაში მათ მიღებამდე საქართველოს მოქმედი კანონმდებლობისა და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

ვ) მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები ობიექტის ზონაში ხანძრის გაჩენის და აფეთქების თავიდან ასაცილებლად.

ზ) ნებისმიერ დროს დაუშვას შემსყიდველი და მისი წარმომადგენლები მშენებლობის ადგილას.

თ) სამუშაოების დასრულების შემდეგ, თავისი ძალებითა და სახსრებით გაათავისუფლოს სამუშაო ადგილები სამშენებლო მოწყობილობა-დანადგარებისაგან, დროებითი ნაგებობებისაგან, ასევე სამშენებლო ნარჩენებისაგან.

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი პირი ან პირთა ჯგუფი.

8.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად შესასრულებელი სამუშაოს ხარისხის, ვადებისა და მიმდინარეობის კონტროლს.

8.3. შემსყიდველი უფლებამოსილია სამუშაოების შესრულების პარალელურად მოახდინოს სამუშაოების შემოწმება მიმწოდებლის მიერ წარმოდგენილი ხარჯთაღრიცხვის შესაბამისად, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან. ამასთანავე, მიმწოდებელი ვალდებულია წინასწარ შეათანხმოს შემსყიდველთან სამუშაოების პროცესში გამოსაყენებელი მასალების ხარისხი.

8.4. შემსყიდველს უფლება აქვს განახორციელოს ტექნიკური ზედამხედველობა, სამუშაოების ნებისმიერ მომენტში შეამოწმოს გამოყენებული მასალებისა და სამუშაოთა შესრულების ხარისხი. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი მხარე უფლებამოსილია შეაჩეროს სამუშაოთა წარმოება და აკრძალოს შეუსაბამო მასალების გამოყენება.

8.5. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

9.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა (ფორს-მაჟორი)

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს-მაჟორი)

ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. შეტყობინებიდან არაუგვიანეს 5 დღის ვადაში წარმოადგინოს ცნობა შესაბამისი ორგანიზაციიდან ფორს-მაჟორული გარემოების დადასტურების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

10.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10.4 ხელშეკრულების 10.2. პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადამდე შეწყვიტონ ხელშეკრულება.

11. მხარეთა პასუხისმგებლობა

11.1. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება პირგასამტეხლოს სახით, კერძოდ: შეუსრულებელი ვალდებულების 0,5%-ის ოდენობით ყოველ გადაცილებულ დღეზე.

11.2 შემსყიდველი უფლებამოსილია ამ ხელშეკრულებით გათვალისწინებული ნებისმიერი სხვა პირობების დარღვევის შემთხვევაში, ყოველ კონკრეტულ ფაქტზე დააკისროს მიმწოდებელს პირგასამტეხლო ხელშეკრულების საერთო ღირებულების 0,5%-ის ოდენობით;

12. დავები და მათი გადაწყვეტის წესი

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1. ხელშეკრულება ძალაში შედის მასზედ ხელმოწერის დღიდან და მოქმედებს 2015 წლის და/ან მხარეთა მიერ ვალდებულებების დადგენილ ვადებში სრულ შესრულებამდე.

14. სხვა პირობები

14.1. წინამდებარე ხელშეკრულება შედგენილია თანაბარი იურიდიული ძალის მქონე 3 (სამი) ეგზემპლარად (ორი შემსყიდველს, ერთი მიმწოდებელს).

მხარეთა რეკვიზიტები

შემსყიდველი	მიმწოდებელი
შპს „რეგიონული ჯანდაცვის ცენტრი“ (ს/კ 236035517)	
ხელმძღვანელობაზე/წარმომადგენლობაზე უფლებამოსილი პირი – დირექტორი ნუგზარ ბოლქვაძე (პ/ნ 01008008307)	ხელმძღვანელობაზე/წარმომადგენლობაზე უფლებამოსილი პირი-
საბანკო რეკვიზიტები: სს „ლიბერთი ბანკი“ ბანკის კოდი: LBRTGE22 ანგარიშის ნომერი: GE86LB0113112241617000	საბანკო რეკვიზიტები: ბანკის კოდი: ანგარიშის ნომერი:
ხელმოწერა: -----	ხელმოწერა: -----

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოდგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

დანართი N1

ს ა ტ ე ნ დ ე რ ო წ ი ნ ა დ ა დ ე ბ ა

თარიღი: -----

ვის: -----

(შემსყიდველი ორგანიზაციის დასახელება)

ვისგან: -----

(პრეტენდენტის დასახელება და მისამართი)

შევსწავლეთ რა სატენდერო დოკუმენტაცია თანახმა ვართ სატენდერო

დოკუმენტაციის შესაბამისად განვახორციელოთ -----

(მომსახურების აღწერა)

გაწევა და გთავაზობთ ზემოაღნიშნულის შესრულებას შემდეგ ფასად:

----- ლარი.

(ციფრებით) (სიტყვიერად)

ჩვენი სატენდერო წინადადების გამარჯვების შემთხვევაში, ვიღებთ ვალდებულებას დავიწყოთ და დავასრულოთ მომსახურების გაწევა ხელშეკრულების პირობების შესაბამისად.

წინამდებარე სატენდერო წინადადება ძალაშია მისი სისტემაში ატვირთვის დღიდან არანაკლებ 30 კალენდარული დღის განმავლობაში.

სატენდერო წინადადებას თან ახლავს შემდეგი დანართები (გვერდების რაოდენობის მითითებით):

1.

2.

3.

----- (ხელმოწერა) (თანამდებობა)

დანართი N2

სამუშაოს შესრულების ვადები

N	სამუშაოს დასახელება	სამუშაოს შესრულების ადგილი	სამუშაოს შესრულების ვადა
1	სხვადასხვა სახის სამშენებლო სამუშაოები დანართი N1-ში მოცემული სამუშაოების შესაბამისად	დაბა გუდაური, გადაუდებელი სამედიცინო დახმარების ცენტრის მიმდებარე ტერიტორია.	სამუშაოები დაიწყება ხელშეკრულების გაფორმების დღიდან და დასრულდება არაუგვიანეს 30 კალენდარული დღის განმავლობაში

პრეტენდენტის დასახელება	
ხელმოწერა და ბეჭედი (არსებობის შემთხვევაში)	

<i>შესასრულებელი სამუშაოს დასახელება</i>	<i>საგარანტიო ვადა</i>	<i>გარანტიის პირობები</i>	<i>გარანტიის პერიოდში აღმოჩენილი დეფექტების აღმოფხვრის ვადა</i>
სამშენებლო სამუშაოები დანართი N1-ის შესაბამისად	საბოლოო მიღება- ჩაბარების აქტის გაფორმების დღიდან ყველა სახის შესრულებულ სამუშაოზე 24 თვის განმავლობაში	საგარანტიო პერიოდის განმავლობაში ნებისმიერი სახის ხარვეზის აღმოფხვრა. ასევე აღნიშნული სამუშაოების შესრულების პროცესში და საგარანტიო პერიოდში არაბარისხოვნად შესრულებული სამუშაოს შედეგად გამოვლენილი ნებისმიერი სხვა ზიანის აღმოფხვრა	შეტყობინების მიღებიდან აღნიშნულ ფაქტთან დაკავშირებით შედგენილ დეფექტურ აქტში მითითებული გონივრული ვადების შესაბამისად
პრეტენდენტის დასახელება			
ხელმოწერა და ბეჭედი (არსებობის შემთხვევაში)			

შენიშვნა: საგარანტიო პერიოდში აღმოჩენილ ხარვეზთან დაკავშირებით, მხარეები ადგენენ დეფექტურ აქტს, რომელშიც ხარვეზების გაწერის გარდა, მითითებული უნდა იყოს მათი აღმოფხვრისთვის მხარეთა მიერ განსაზღვრული გონივრული ვადა.

დანართი N4

პრეტენდენტის რეკვიზიტები

- პრეტენდენტის იურიდიული ფორმა და დასახელება;
- ხელმძღვანელის/უფლებამოსილი პირის ან ფიზიკური პირის სახელი და გვარი;
- პრეტენდენტის იურიდიული ან/და ფაქტიური მისამართი;
- საიდენტიფიკაციო კოდი;
- პრეტენდენტის საკონტაქტო რეკვიზიტები: ტელეფონის ნომერი; ელექტრონული მისამართი;
- საბანკო რეკვიზიტები: ბანკის დასახელება და კოდი; ბანკში ანგარიშის ნომერი.

(თანამდებობა: სახელი და გვარი)

(ხელმოწერა)

დანართი N5

N	სამუშაოს დასახელება	შემსყიდველის დასახელება	ხელშეკრულებით გათვალისწინებული სამუშაოს ღირებულება	ფაქტობრივად შესრულებული სამუშაოს ღირებულება	ხელშეკრულების დადების თარიღი	მიღება- ჩაბარების აქტის გაფორმების თარიღი
1						
2						
3						
4						

პრეტენდენტის ხელმოწერა და ბეჭედი : _____